



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

৫ ডিসেম্বর ২০০৫

আমেরিকান সেন্টারে মিনি বইমেলা

কলকাতা -- বইপ্রেমীদের জন্য সুখবর! আমেরিকান সেন্টারে মিনি বইমেলার উদ্বোধন হচ্ছে বৃহস্পতিবার, ৮ ডিসেম্বর। চলবে শনিবার পর্যন্ত। মার্কিন যুক্তরাষ্ট্র থেকে সদ্য আসা বিভিন্ন বিষয়ের বইয়ের আধুনিক সংগ্রহ প্রদর্শিত হবে এই বইমেলায়। আমেরিকান ইনফরমেশন রিসোর্স সেন্টার (এআইআরসি) বা আমেরিকান লাইব্রেরিতে এই সব বই পাওয়া যাবে। ম্যানেজমেন্ট ও ব্যবসা-বাণিজ্যের সাম্প্রতিক ধারা, কম্পিউটার প্রযুক্তি, দ্বিতীয় ভাষা হিসাবে ইংরেজি এবং আধুনিক মার্কিন সমাজ সহ নানা বিষয়ের ওপর হালফিল বইয়ের সম্ভাবনার হাদিশ মিলবে এখন এই গ্রন্থাগারে। আর থাকছে মার্কিন গল্প-উপন্যাস। তারতী মুখোপাধ্যায়, বুম্পা লাহিড়ি বা অ্যামি ট্যানের বইও মিলবে সহজেই।

ইংরেজি ও আমেরিকান ইংরেজি বিষয়ে স্থানীয় মানুষের আগ্রহ ও চাহিদা ক্রমে বাঢ়তে থাকায় আমেরিকান লাইব্রেরিতে দ্বিতীয় ভাষা হিসাবে ইংরেজির ওপর একগুচ্ছ নতুন বই আনা হয়েছে। আমেরিকান ইংরেজিতে সড়গড় হতে উৎসুক শিক্ষক-ছাত্র সকলের কাছেই বইগুলি প্রয়োজনীয় হবে।

আজকালকার অন্যতম আকর্ষণীয় বাণিজ্যিক বিষয় -- কম্পিউটার টেকনোলজি ও ম্যানেজমেন্টের ওপরেও এসেছে অনেক বই। রয়েছে ট্রেনিং গাইড ও ম্যানুয়াল। আধুনিক মার্কিন জীবন ও সমাজ সম্পর্কে পাঠকদের আগ্রহ মেটাতেও লাইব্রেরিতে আনা হয়েছে অনেক নতুন নতুন বই।

আমেরিকান সেন্টারের লিঙ্কন রুমে তিন দিনের এই বইমেলার উদ্বোধনের পাশাপাশি থাকবে বিশেষ কিছু অনুষ্ঠানও। বইমেলা চলাকালীন “কমিউনিকেশন স্ট্র্যাটেজিস অ্যান্ড মেথডলজি ইন ইংলিশ ল্যাঙ্গুয়েজ টিচিং” এবং “লিডারশিপ অ্যান্ড ম্যানেজমেন্ট ইন দি ইরা অব গোবালাইজেশন” বিষয়ে আলোচনায় অংশ নেবেন বিশিষ্ট শিক্ষাবিদ এবং ম্যানেজমেন্ট বিশেষজ্ঞরা। শনিবার, ১০ ডিসেম্বর দেখানো হবে ক্লাসিক আমেরিকান ছবি “ওয়েস্ট সাইড স্টোরি”। বইমেলা সহ বিভিন্ন এই অনুষ্ঠানের কোনও প্রবেশ মূল্য নেই। লাইব্রেরির নতুন ও বর্তমান সদস্যরা ২০০৬ সালের জন্য হাসপ্তাষ্ঠা হারে সদস্যপদও নিতে পারবেন।
